



Ysgol Fusnes  
Aberystwyth  
Business School

---

# MBA ac MBA Proffesiynol yn Ysgol Fusnes Aberystwyth

---

# Cynnwys

|  |      |
|--|------|
| Croeso   | p.1  |
| Pam dewis Prifysgol Aberystwyth?                       | p.3  |
| Pam astudio'r rhaglen MBA Proffesiynol yn Aberystwyth? | p.5  |
| Pa gyrsiau sydd ar gael?                               | p.6  |
| Manylion y cyrsiau MBA                                 | p.9  |
| Gofynion mynediad                                      | p.12 |

## Gwybodaeth bwysig

Roedd yr wybodaeth a gyhoeddir yn y llyfryn hwn am y rhaglenni gradd yn gywir pan anfonwyd y ddogfen i'w argraffu (Medi 2022), ond gellid ei newid. Cyn gwneud cais, rydym yn cynghori darpar fyfyrwyr i edrych ar ein gwefan i gael yr wybodaeth a'r manylion diweddaraf am y cwrs gan gynnwys ein gofynion mynediad, er mwyn bod yn sicr fod y cynllun yn addas i'w gofynion.

# Croeso i Ysgol Fusnes Aberystwyth (ABS)

Croeso i Ysgol Fusnes Aberystwyth. Rwyf wrth fy modd eich bod yn ystyried ein dewis ni ar gyfer eich datblygiad proffesiynol.

Rydym yn Ysgol Fusnes fodern, flaengar sy'n rhan o Brifysgol draddodiadol uchel ei pharch a chanddi gyfoeth o hanes yn dyddio'n ôl i 1872. Mae ein rhaglenni Gweithredol wedi'u cynllunio ar gyfer rheolwyr sydd ar wahanol gamau o ran eu datblygiad.

Os mai megis cychwyn yr ydych ar eich gyrfa ym maes rheolaeth, bydd y cyrsiau MBA ac MBA Proffesiynol yn diwallu eich anghenion. Os yw eich gyrfa eisoes ar droed a bod arnoch eisiau diweddarau eich gwybodaeth am fusnes a rheolaeth a mireinio eich sgiliau arwain, dylai'r rhaglen MBA Gweithredol (EMBA) fod yn addas ar eich cyfer. Ac os bydd angen i chi ddangos effaith uniongyrchol ar eich sefydliad yn sgil eich astudiaethau, neu os ydych chi'n chwilio am raglen fwy hyblyg y gellir ei theilwra ar eich cyfer, dylai'r Meistr Gweithredol mewn Rheolaeth (EMMgt) apelio atoch.

Mae pob un o'n rhaglenni wedi'u cynllunio i feithrin y sgiliau arwain a'r wybodaeth am reoli sydd eu hangen er mwyn bod yn

arweinydd gwydn ac effeithiol mewn cyfnod cymhleth ac ansicr. Mae angen i reolwyr allu gwneud penderfyniadau heb ddigon o ddata neu, ar brydiau, ar sail cymaint o ddata fel eu bod yn cael eu llethu. Mae MBA Aberystwyth yn cyflwyno'r sgiliau diagnostig, dadansoddol a beirniadol sy'n angenrheidiol er mwyn gwneud penderfyniadau mwy effeithiol ac er mwyn arwain mewn modd mwy cadarnhaol a gwydn. Mae ein rhaglenni yn eich annog i roi damcaniaethau ar waith yn ymarferol, ac maent oll wedi'u cynllunio i'ch galluogi i gyflawni eich swydd yn fwy effeithiol ac i ddatblygu eich gyrfa.

Hoffwn ddiolch ichi eto am ein hystyried ni wrth ichi wneud y penderfyniad pwysig hwn o ran eich gyrfa a'ch bywyd. Os oes angen rhagor o gymorth arnoch, mae croeso mawr ichi gysylltu â Chyfarwyddwr y Rhaglen ar unrhyw adeg: Vincenzo Dispenza (vid12@aber.ac.uk)

**Yr Athro Andrew Thomas**  
**Cyfarwyddwr**  
**Ysgol Fusnes Aberystwyth**





# Pam dewis Prifysgol Aberystwyth?

Drwy ddewis Prifysgol Aberystwyth byddwch yn dewis canolfan ddysg mewn lleoliad heb ei ail. Ar lannau arfordir y gorllewin rhwng Bae Ceredigion a Mynyddoedd y Cambria, byddwch yn rhan o gymuned gyfeillgar, eang ei gorwelion, lle mae'r gorwel pell yn ysgogi uchelgais a dyhead. Mae myfyrwyr yn dod yma ers 1872, wedi'u denu gan ein henw da am ddysgu rhagorol a phrofiad eithriadol ein myfyrwyr.

Cipolwg - mwy o resymau dros ddewis astudio yn Aberystwyth:

**Y Brifysgol gorau yn y DU ar gyfer ansawdd dysgu a phrofiad myfyrwyr**  
(The Times / Sunday Times, Good University Guide 2021)

**Prifysgol y flwyddyn yng Nghymru**  
(The Times and Sunday Times, Good University Guide 2020)

**Gwobr Aur yn y Fframwaith Rhagoriaeth Addysgu a Chanlyniadau Myfyrwyr 2018**  
(FfRhA 2018)

**Y Brifysgol Orau yn y DU am Ansawdd y Dysgu a Phrofiad Myfyrwyr**  
(Good University Guide, The Times a Sunday Times 2021)

**Mae 98% o ymchwil Prifysgol Aberystwyth o safon a gydnabyddir yn rhyngwladol neu uwch**  
(Fframwaith Rhagoriaeth Ymchwil [REF] 2021)

**Mae 75% o ymchwil Prifysgol Aberystwyth yn arwain y byd gyda 4\* neu ragorol yn rhyngwladol gyda 3\***  
(Fframwaith Rhagoriaeth Ymchwil [REF] 2021)

**1af yng Nghymru a Lloegr am Fodlonrwydd Myfyrwyr**  
(Arolwg Cenedlaethol o Fyfywyr 2022)

**97% o'n graddedigion mewn gwaith a/neu astudiaethau pellach o fewn chwe mis ar ôl graddio, 3% yn uwch na graddedigion Astudiaethau Busnes a Gweinyddu yn genedlaethol.**  
(Higher Education Statistics Authority 2018).



# Pam astudio'r rhaglenni MBA Proffesiynol yn Aberystwyth?

## Y safonau uchaf

Mae portffolio Ysgol Fusnes Aberystwyth o raglenni MBA llawn-amser wedi'i gynllunio i ddatblygu'r sgiliau diagnostig a'r gallu i werthuso a meddwl yn feirniadol sydd eu hangen er mwyn bod yn arweinydd ac yn rheolwr effeithiol.

Nod y cynllun MBA a'r MBA Proffesiynol yw paratoi darpar arweinwyr a rheolwyr ar gyfer gyrfa lwyddiannus ac effeithiol ym maes rheolaeth. Mae ein rhaglenni'n cynnig cynnwys arloesol a'r syniadau diweddaraf ym mhob agwedd ar fusnes a rheolaeth.

## Lleoliad

Mae ein rhaglenni'n cael eu dysgu ar y campws yn Aberystwyth.

## Y syniadau diweddaraf

Byddwch yn datblygu gwybodaeth am ddamcaniaethau, cysyniadau a modelau yn y prif ddisgyblaethau busnes a rheolaeth, ynghyd â dealltwriaeth ohonynt.

Byddwch yn gwella'r sgiliau busnes sydd gennych eisoes, a'r gallu i strwythuro a chyfleu syniadau yn effeithiol, ysgrifennu ar gyfer cynulleidfaoedd amrywiol a siarad â hwy, gwerthuso gwybodaeth yn feirniadol a'i threfnu, gweithio gydag eraill a'u harwain a gweithio o fewn amserlenni ac i derfynau amser pendant er mwyn darparu strategaethau busnes hynod o ddylanwadol a fydd yn gwella effeithiolrwydd eich busnes.

## I bwy?

Mae'r rhaglen wedi'i chynllunio'n arbennig ar gyfer rheolwyr sydd ar ddechrau eu gyrfa ym maes rheolaeth ac arweinyddiaeth, neu i'r rheini sy'n ystyried dyfodol mewn rheolaeth.

## Ffioedd Dysgu ar gyfer mynediad ym mis Medi 2022:

### Ymgeiswyr o'r DU:

Llawn Amser - £13,250

Rhan Amser - £6,625

### Ymgeiswyr Rhyngwladol:

Llawn Amser - £16,800

Rhan Amser - £8,400

# Pa gyrsiau sydd ar gael?

Wedi'u cynllunio ar gyfer darpar reolwyr / arweinwyr busnes, bydd angen i chi fod wedi cael profiad gwaith blaenorol ar lefel briodol i elwa i'r eithaf ar eich profiad dysgu ar y rhaglenni MBA Proffesiynol. Mae pob un o'r rhaglenni MBA proffesiynol yn canolbwyntio ar ddisgyblaeth benodol, gan ganiatáu i chi arbenigo mewn maes penodol.

## **N1837** MBA Rheoli Cadwyn Gyflenwi Fyd-eang

Mae'r rhaglen hon yn canolbwyntio ar rwydweithiau a systemau cadwyn gyflenwi fyd-eang modern gan gynnwys logisteg, systemau logisteg gwyrdd, a systemau cadwyn gyflenwi fyd-eang. Byddwch hefyd yn dysgu am y tueddiadau diweddaraf ym meysydd dadansoddi ariannol, economeg busnes ac arwain pobl a sefydliadau. Ar ddiwedd eich astudiaethau byddwch yn cwblhau adroddiad sylweddol ar reoli cadwyn gyflenwi a fydd yn canolbwyntio ar ddarparu gwelliannau sy'n ychwanegu gwerth o fewn eich cwmni.

## **N1838** MBA Rheoli Peirianeg

Mae'r rhaglen hon yn canolbwyntio ar systemau peirianeg a rheoli systemau sy'n seiliedig ar beirianeg a thechnoleg. Byddwch yn ymgymryd â modiwlau ar ddadansoddi a rheoli peirianeg ffrensig, systemau ansawdd, rheoli prosiectau a systemau cadwyn gyflenwi. Ar ddiwedd eich astudiaethau byddwch yn cwblhau adroddiad sylweddol ar reoli peirianeg a fydd yn canolbwyntio ar ddarparu gwelliannau sy'n ychwanegu gwerth o fewn eich cwmni.

## **N1839** MBA Rheoli Prosiectau

Mae'r rhaglen hon yn canolbwyntio ar arwain prosiectau a datblygu a chymhwyso adnoddau a thechnegau rheoli prosiect, gan gynnwys arwain timau, technegau a systemau rheoli prosiect, dadansoddi ariannol a monitro a rheoli prosiectau. Ar ddiwedd eich astudiaethau byddwch yn cwblhau adroddiad sylweddol ar reoli prosiectau a fydd yn canolbwyntio ar ddarparu gwelliannau sy'n ychwanegu gwerth o fewn eich cwmni.

## **N1840** MBA Marchnata Rhyngwladol

Mae'r rhaglen hon yn cynnig dirnadaethau a gwybodaeth am y datblygiadau diweddaraf ym maes marchnata rhyngwladol, gan gynnwys systemau ac arferion marchnata byd-eang, strategaethau marchnata yn ogystal â dadansoddi ariannol, cynaliadwyedd ac arweinyddiaeth busnes. Ar ddiwedd eich astudiaethau byddwch yn cwblhau adroddiad sylweddol ar farchnata rhyngwladol a fydd yn canolbwyntio ar ddarparu gwelliannau sy'n ychwanegu gwerth o fewn eich cwmni.

## **N1841** MBA Cyfrifoldeb Cymdeithasol Corfforaethol

Mae'r rhaglen hon yn darparu gwybodaeth am y tueddiadau diweddaraf ym meysydd economeg amgylcheddol, gwneud penderfyniadau amgylcheddol, cynaliadwyedd a rheolaeth amgylcheddol ac mae'n cyfuno hyn â gwaith yn ymwneud â chyllid busnes, arweinyddiaeth ac economeg busnes yn ogystal â llywodraethu corfforaethol a dadansoddi risg. Ar ddiwedd eich astudiaethau byddwch yn cwblhau adroddiad sylweddol ar Gyfrifoldeb Cymdeithasol Corfforaethol a fydd yn canolbwyntio ar ddarparu gwelliannau sy'n ychwanegu gwerth o fewn eich cwmni.





# Manylion y cyrsiau MBA

## Crynodeb

Bydd myfyrwr MBA yn astudio'n llawn-amser dros gyfnod o flwyddyn academaidd o fis Medi i fis Medi.

Ceir yr un faint o bwyslais ar ddysgu ag ar addysgu. Fe'ch anogir i rannu eich profiadau gwerthfawr mewn amgylchedd dysgu heriol ond cefnogol ac mewn arddull dysgu gweithredol sy'n annog rhoi damcaniaethau ar waith a datblygu a defnyddio damcaniaethau yn ymarferol. Bydd hyn yn cael ei atgyfnerthu a'i ategu ymhellach trwy ddadansoddi astudiaethau achos.

Erbyn diwedd y cwrs MBA, bydd gennych afael mwy datblygedig a manwl ar fusnes, rheolaeth a sefydliadau, a hynny o safbwynt pobl, marchnadoedd, gweithrediadau a'r gadwyn gyflenwi, economeg, llywodraethu corfforaethol, moeseg, cynaliadwyedd a strategaeth. Byddwch hefyd yn gallu meddwl yn fwy strategol a byddwch wedi eich paratoi'n llawer gwell am yrfa ym maes busnes a rheolaeth.

Bydd cyfleoedd ichi rwydweithio â myfyrwr sy'n dilyn rhaglenni Meistr eraill o fewn yr Ysgol Fusnes. Bydd myfyrwr hefyd yn cael cynnig cyngor ar ddatblygiad proffesiynol er mwyn eu cynorthwyo i ddatblygu eu gyrfaedd. Gan y byddant yn fyfyrwr ôl-raddedig yn y Brifysgol, bydd ganddynt fynediad i gyfleusterau Ysgol y Graddedigion.

## Cyfleoedd am Brofiad Gwaith

Bydd y myfyrwr hefyd yn gallu cael profiad gwaith gwerthfawr trwy gymryd rhan mewn nifer o interniaethau (am dâl ac yn ddi-dâl) a phrosiectau grŵp. Bydd nifer yr interniaethau â thâl yn gyfyngedig a byddant yn ddibynnol ar berfformiad academaidd.

## Datblygiad Proffesiynol

Mae ein graddedigion MBA wedi mynd yn eu blaenau i sefydlu gyrfaedd gydag amrywiaeth o gwmnïau megis Bloomberg, Standard Chartered Bank, Euler Hermes, SAP a Legal & General. Mae ein cyn-fyfyrwr nodweddiadol yn uwch reolwyr yn y sectorau cyhoeddus a phreifat, neu'n rhedeg eu busnesau neu eu cwmnïau ymgynghori eu hunain.

Mae'r sgiliau myfyrriol ac atblygol a ddysgir ar y rhaglen yn galluogi myfyrwr i werthuso eu hanghenion personol a phroffesiynol yn well, ac yr ydym yn canfod bod myfyrwr wedi eu paratoi'n well i gynllunio eu gyrfaedd.

Rydym yn cynnig cyngor gyrfaol proffesiynol unigol, a gellir gofyn hefyd am hyfforddiant ychwanegol gan hyfforddwr datblygu arweinyddiaeth 360 gradd sydd wedi'i achredu.

### Dysgu ac Addysgu

Bydd staff dysgu Ysgol Fusnes Aberystwyth yn creu amgylchedd lle gall dysgu ymarferol ffynnu a byddant yn hwyluso rhannu profiadau a gwybodaeth. Gwyddom fod myfyrwyr ar gyrsiau Meistr yn bobl hynod o brysur, ond disgwylwn i fyfyrwyr fuddsoddi amser 'y tu hwnt i'r dosbarth' yn paratoi ar gyfer gweithdai, yn ymchwilio ac yn ysgrifennu aseiniadau.

Bydd y strwythur dysgu yn hwyluso gwerthuso damcaniaethau, cysyniadau a modelau yn feiriadol a'u rhoi ar waith yn ymarferol, yn hytrach na dim ond rhoi disgrifiad syml ohonynt. Defnyddir amgylchedd dysgu rhithiol y Brifysgol i hwyluso'r broses hon.

Anogir myfyrwyr i ddefnyddio'r amgylchedd dysgu rhithiol i'w cynorthwyo i weithio'n annibynnol ac mewn grwpiau, a byddant yn cael cefnogaeth academaidd gan diwtoriaid pob modiwl.

### Manylion y Cwrs

Gall myfyrwyr ddod i astudio'n llawn-amser dros gyfnod o flwyddyn academaidd (o fis Medi i fis Medi). Mae'r flwyddyn academaidd wedi'i rhannu'n dri semester:

- **Medi i Ionawr**
- **Ionawr i Fehefin**
- **Mehefin i Fedi.**

Mae'r asesu trwy gydol y rhaglen yn seiliedig ar adroddiadau ysgrifenedig, dadansoddi astudiaethau achos a chyflwyniad. Ni cheir unrhyw arholiadau ffurfiol.

Nod y rhaglenni yw cyflwyno myfyrwyr i bynciau craidd ym maes busnes a rheolaeth, sef cyllid ac arwain pobl, a rhoi cyfle iddynt ar yr un pryd i arbenigo mewn llwybr penodol.

### MBA Rheoli Cadwyn Gyflenwi

- Financial Analysis & Decision Making
- People & Organisations
- Marketing Management Strategy
- Global Supply Chain Management
- International Strategy & Operations
- Green Logistics & Supply Chains
- Managerial Reports

### MBA Marchnata Rhyngwladol

- Financial Analysis & Decision Making
- People & Organisations
- Marketing Management Strategy
- Corporate Governance & Sustainability
- International Strategy & Operations
- Global Marketing
- Managerial Reports

### MBA Cyfrifoldeb Cymdeithasol Corfforaethol

- Financial Analysis & Decision Making
- People & Organisations
- Marketing Management Strategy
- Corporate Governance & Sustainability
- Ethics, Sustainability & Corporate Responsibility in Organisations
- Environmental Economics
- Managerial Reports

### MBA Rheoli Prosiectau

- Financial Analysis & Decision Making
- People & Organisations
- Marketing Management Strategy
- Corporate Governance & Sustainability
- Project Management Tools & Techniques
- Leading & Managing Projects
- Managerial Reports

### MBA Rheoli Peirianeg

- Financial Analysis & Decision Making
- People & Organisations
- Project Management Tools & Techniques
- Corporate Governance & Sustainability
- International Strategy & Operations
- Quality & Engineering Management
- Managerial Reports

# Gofynion mynediad:

## Cymwysterau neu Brofiad Proffesiynol

Gradd Baglor (Anrhydedd) 2:2, neu gymhwyster cyfatebol, mewn unrhyw ddisgyblaeth. Bydd y rhai nad ydynt yn raddedigion yn cael eu hystyried yn unigol ar sail profiad gwaith perthnasol neu gymwysterau proffesiynol.

## Gofynion o ran y Saesneg

Os oes gennych radd Baglor o brifysgol yn y Deyrnas Unedig, nid oes angen ichi sefyll prawf hyfedredd Saesneg.

Bydd y sawl nad yw'r Saesneg yn iaith gyntaf iddynt ac nad ydynt yn cwrdd â'r gofyniad hwn yn gorfod cael IELTS 6.0 neu sefyll prawf hyfedredd Saesneg academaidd sy'n cael ei gydnabod gan y Brifysgol.

## Sut i wneud cais

Gallwch gyflwyno cais yn uniongyrchol i Brifysgol Aberystwyth ar [aber.ac.uk/apply](http://aber.ac.uk/apply)





Ysgol Fusnes Aberystwyth  
Lefel C Adeilad Hugh Owen  
Campws Penglais  
Prifysgol Aberystwyth  
Aberystwyth  
Ceredigion  
SY23 3DY

+44 (0) 1970 622 500

abs-enquiries@aber.ac.uk

/AberBusinessSch

/ABSaberUni

Wedi'u dylunio a'u cynhyrchu gan  
Marchnata a Denu Myfyrwyr,  
Prifysgol Aberystwyth 2022.

